

JAIPk terus perkasa penguatkuasaan tauliah penceramah

SINAR HARIAN

29.10.23

KUALA KANGSAR - Jabatan Agama Islam Perak (JAIPk) akan terus memperkasakan penguatkuasaan di setiap peringkat bagi memastikan individu yang memegang jawatan atau cenderung terhadap sesebuah parti politik dilarang mengambil bahagian dalam aktiviti mengajar atau bersyarah di dalam masjid di negeri itu.

Pengarahnya, Harith Fadzilah Abdul Halim berkata, pekeliling berhubung garis panduan bertarikh 6 Mac lepas yang di edarkan kepada semua Pengerusi Jawatankuasa Kariah Masjid di seluruh Perak oleh Jawatankuasa Pengawasan Pengajaran Agama Islam Negeri Perak masih terpakai dan berkuat kuasa.

"Jika ada pihak-pihak yang tidak mempunyai tauliah memberi ceramah di masjid atau surau, aduan rasmi hendaklah

dikemukakan kepada JAIPk untuk tindakan diambil berdasarkan perundangan yang ada.

"Begitu juga yang telah diberikan tauliah tetapi cenderung terhadap sesebuah parti, walaupun tidak mempunyai jawatan kita akan pantau dan mereka akan disenaraihitamkan kemudian, tiada kompromi dalam isu ini," katanya.

Beliau berkata demikian pada sidang akhbar selepas merasmikan Apresiasi Ulang Tahun ke-90 Penerbitan Kitab Bahrul Madzi di Masjid Jamek Al-Marbawi, dekat sini pada Rabu.

Pada 26 Oktober 2022, JAIPk mengeluarkan pekeliling larangan mengadakan aktiviti berbaur politik di masjid, surau



HARITH FADZILAH

diri Jumaat dan surau di negeri itu.

Larangan tersebut selaras dengan titah Sultan Perak, Sultan Nazrin Shah bersempena dengan Persidangan Jawatankuasa Kariah dan Pegawai Masjid Peringkat negeri pada 24 Oktober 2019.

Dalam persidangan itu, Sultan Nazrin bertitah, sebarang aktiviti politik tidak dibenarkan diadakan di masjid atau surau sama ada daripada parti politik pihak kerajaan mahupun pembangkang termasuk menyampaikan sebarang bentuk ucapan dan paparan lamang serta nama parti.

Jelas Harith Fadzilah, selain keperluan tauliah mengajar agama, pemantauan ser-

ta penguatkuasaan itu bukan untuk menghalang, sebaliknya sebagai langkah pencegahan bagi memenuhi maqasid syariah dalam aspek memelihara agama Islam.

"JAIPk sentiasa mendukung apa yang telah dititahkan oleh Sultan Nazrin dahulu dan diperkemas lagi pada tahun ini agar institusi ini tidak dicemari untuk menjaga keharmonian masyarakat Islam di Perak.

"JAIPk akan sentiasa memantau aktiviti mengajar atau bersyarah agar ia selari dengan matlamat pengajaran dan syarahan iaitu pengukuhan ilmu serta pemupukan perpaduan masyarakat," katanya.

Tambahnya, penguatkuasaan itu juga bagi memastikan agama Islam terus terpelihara daripada sebarang anasir yang boleh menimbulkan kesan negatif terhadap agama, masyarakat dan negara. - *Bernama*